

Tribus Isachar.

I.

Gen. 30.  
Nū 1.26.  
Gen. 49.  
& ibi Hier.  
& Ios. 19.



**SACHAR** nonus Iacob ex Lia filius, sic progeniem suam ampliauit, vt de tribu eius ad montem Sinai numerati & inuenti sint viri, bello apti quinquaginta quatuor millia quadringenti; quibus omnibus in deserto mortuis, eorum filij, sexaginta quatuor millia & trecenti in terra promissionis, iuxta prophetiam Iacob, citra Iordanem optimam & pulcherrimam possederunt regionem in Galilæa.

2.

**ABES** alias Aemes, quidam corruptè habent Haemes, ciuitas, Ios. 19. Hibr. in loc. Hebr.

3.

**ACHASELVTH**, ciuitas in tribu Isachar. Hieron in loc. Hebr.

4.

**AGAD**, sita ad radices montis Hermon. Hieron in loc. Hebr.

5.

**ANAARATH**, alias Naaroth, ciuitas. Ios. 19. fortè hæc Anerith, Hieron. in loc. Hebr.

6.

**ANEM**, ciuitas Leuitarum, cum suburbanis suis. 2. Paral. 6.

7.

**APHEC**, quæ & Apeca, vrbs, cuius Regem Iosue occidit. in hac Philistæi posuerunt castra, pugnaturo contra Israel, postea contra Saul: ibidem etiam Syri pugnauerunt contra Achab regem Israel quando dixerunt: Dij montium sunt Dij eorum, pugnemus contra eos in vallibus aut campestribus, & obtinebimus eos: vbi & Benadad rex Syriæ victus est. Brocardus & Breidenbachius notant: eius ciuitatis ruinas tum adhuc ostensas fuisse. itin. 6. est in campo magno, non procul à Gelboë, ad orientem montis Carmeli, quinque milibus à Tabor, vt notat Benedictus.

8.

**APHRAIM** ciuitas, Ios. 19.

9.

**ARABA** villa, Hieron. de loc. Hebr.

10.

**ARAD** fons, apud quem Gedeon castra metatus est. Iud. 7.

II.

**ARBELA**, ciuitas valida, iuxta quam in firmis montibus præruptæ erant spelunçæ: in quibus habitantes latrones, Herodes rex magno labore expugnauit. Hanc inter cæteras vrbes muniuit Iosephus.

Ioseph. 14. ant. 24. 25. et 1. bel. 12. et in vita sua. Hieron. de loc. Hebr. Strab. l. 16

12.

**BELLIFORT**, castrum pulcrum & forte à Christianis extructum, fuit fratrum hospitalis S. Ioannis. Breide. situm, vbi Cison torrens intrat mare Galilææ. eod. auctore.

13.

**BETHPHESES** ciuitas. Ios. 19.

14.

**LEVCS** iuxta Bethsan, in quo tredecim Iudæorum millia à Scytopolitanis perfidiosè interfecta sunt. Ioseph. 2. bel. 19. & in vita sua, & 7. bel. 28.

15.

**BETHSEMES** ciuitas. Ios. 19. & ibid. Liran. Bened. Iud. 1. est in pede extremo Carmeli, auctor Breidenbach

16.

**CAIN** mons, fons & castrum in pede extremo montis Carmeli. Hic Lamech senectute cæcutiens fratricidam Cain ignoranter pro bestia sagitta occidit. Gen. 4. Brocard. itin. 6. Breidenb. Paschal. itin. 178.

17.

**CAIPHAS**, à Tyrio Porfina dicitur, & Porphyria vrbs maritima, ad Carmeli montis radices parte aquilonari sita, extructa à Caipha pontifice, & nominata, qui eius erat Dominus. Habuit Christianorum temporibus Episcopem suffraganeam.

Vvilh Ty. 9. bell. 14. & 10. bell. 6 & 10. & 13. bell. 2. & 14. bell. 11. & 12. Brocard. Breidenb. Vitriac. cap. 22. Iudith. 4. 7.

18.

**CAMPVS Magnus**, qui & campus Maggedo, & campus Efdrelon. & planicies Galilææ: sed illa, vt quidam ait, nomina nunc in obliuionem abierunt, vocaturque campus Sabæ, à quodam castello quod Saba nuncupatur. habet in longitudine decem miliaria, in latitudine verò ad mare Galilææ & Iordanem vsque extēditur. gleba eius optima est, fertilis supra modum in frumento, vino & oleo, atq; adeò rebus omnibus affluit, vt qui suis oculis aliquando conspexerunt, affirmant sese nihil vnquã perfectius, & in quod natura æquè omnia sua contulisset, aspexisse. In hoc campo Iosias rex Iuda, à sagittarijs Nechao regis Aegypti vulneratus, interiit: & in his Sisara & omnis exercitus eius, Barac vincente, prostratus est.

Brocard. Breidenb. 4. Reg. 22. 2. Reg. 35. 3. Esdr. 1. 1. Mac. 12. Zach. 12.

19.

**CARMELVS** maris, qui hebraicè dicitur Carmel, siue Charmel, mōs excelsus valdè & nemorosus, nobilissimis vineis, oleis, arbutis, fructiferis arboribus, herbisq; odoriferis abundans, vt ob summam rerum omnium copiam fertilitati & abundantia in scriptura

Ios. 19. Hieron. in Isa. 16. & 29. Iere. 2. & 5. Iose. 2. bel. 9. & 14. ant. 22.

E 2

compa-



comparetur. Abest à Ptolemaide stadijs centū viginti, & Iosephus tradit. Incolebatur à colonis multis, eiusque passim multa fit mentio in Prophetis. in hoc mōte Elias propheta coram rege Achab, & octingentis quinquaginta pseudopropheta Baal, cum illi nequicquam cultris se dilaniantes, idolo immolarent, ipse Deum verū igne cælitus demisso experimento comprobauit, ibique flexis genibus gestu admirabili orans, post trium & semis annorum siccitatem, pluuiam à Deo impetrauit. locus igne cōsumptus, inquit Iosephus, hætenus ibi perdurat. In hoc monte in pede montis Orientali: ait auctor itinerarij Ghistile, spelunca est & fons, vbi habitabant Elias & Helifæus, & filij Prophetarum. postea habitauerunt ibi fratres Carmelitæ, vnde & originem & nomen habēt. fuit etiam saltus in Carmelo, vt colligitur, 4. Reg. 19. Isā. 37. Mich. 7.

20.

**H**IC ad torrentem maiorem, qui contra Occidentem labitur. Propheta Elias 450. Prophetas Baal, quos diuinæ iustitiæ zelo accensus in monte Carmelo comprehenderat, ab Israelitico populo adiutus, omnes occidit, eorumque cadauera in torrentem proiecit. 3. Reg. 18. Brocard, in præfat, in itin. 1. & 6. & Breidenb. ibid.

21.

**C**ARMELVM promontorium, vbi sancta Helena Ecclesiā construxit. Nicephor. 8. histor. 30.

22.

**C**ASALOTH ciuitas. Ios. 19.

23.

**C**EDES, ciuitas Leuitarum. 1. Par. 6.

24.

**C**ESION, alias Cefien, Cifion, ciuitas Leuitarum. Ios. 19. 21.

25.

**D**ABRETH, Dabrath, Iosepho Dabarita, & Dasbath, inclita refugij vrbs & Leuitarum, sita in cōfinio tribus Zabulon & Isachar, quam Cifion torrens intermeat.

26.

**E**NADDA, siue Enhadda, ciuitas. Ios. 19.

27.

**E**NDOR ciuitas, sita in monte Hermonio. In hac Saul rex cōsuluit Pythonissam, quæ suscitauit illi Samuelem Prophetam. Huius mentio fit in Psal. Disperierunt in Endor, facti sunt in sterco terræ. Est & hodie, ait Hieronymus, grandis vicus Aendor, iuxta montem Tabor, est & torrens Endor.

28.

**H**IC Abrahæ à cæde hostium reuertenti & liberato Lot fratris sui filio occurrit

Melchisedec eū pane & vino: vbi adhuc mensa Melchisedec ostenditur. Gen. 14. Brocard. Breid. Fretel. Salig. tom. 2. cap. 8.

29.

**E**NGANNIM, ciuitas Leuitarum. Ios. 19. 21. nunc est vicus iuxta Bethel. Hieron. in loc. Hebr.

30.

**E**SDRELON, ciuitas in campo magno, à qua ipse campus nomen habet. Iud. 1. 4. 7.

31.

**F**ONS Iezrael, Niger Geograph. Afix com. 4. postea fuit dictus Tubania. iuxta hunc Saul castra possint, pugnaturus contra Philistæos. 1. Reg. 29. & 1. Reg. 31. Meminit eius etiam Vvil. Tyr. & Breidenb.

32.

**G**ELBOE mons, siue montes, in quibus Saul castra metatus est contra Philistæos, ibique cum Ionatha filio suo occisus est: quāobrem imprecatus est ijs montibus Dauid, vt nec pluuiæ, nec imber, nec ros descenderet super montes istos. Extendunt se montes illi ab Occidente à Iezrael vsque ad Iordanem per vndecim leucas. Narrat igitur Breidenbach. montes illos in multis locis esse petrosos, aridos, steriles. Sunt, qui volunt ciuitatem esse prope montes, quæ diceretur Gelboe, a qua ipsi montes nomen acceperint. Est & Gelbus vicus grandis, situs in monte Gelboe, vt Hieronymus. auctor est.

33.

**H**IC Saul & armiger eius irruerunt super gladios suos. 1. Reg. 31.

34.

**H**ERMON mons maior, ita ad differentiam minoris: ob pinguis roris abundantiam, & ipsam soli fecunditatem, pascebantur ibi animalia & pecora, quæ Ierosolymis in templo offerebantur, & immolabantur Domino. Extēditur mons ille in longitudine quatuor ferè leucis, contra mare Galilææ, vbi Iordanis ex mari Galilææ egreditur.

35.

**H**ERMONIVM, mons est non proprius & distinctus ab alio, sed iugum quoddam humile, seu tumor quidam à monte Hermon, contra montem Tabor procedens. Psal. 41. Brocard. itin. 5.

36.

**H**ERMON minor, alius à maiore, in cuius latere aquilonari est ciuitas Naim. Brocard. itin. 5. Breidenb. ibid.

37.

**I**ARAMOTH, quæ à Ieremoth, vrbs separata Leuitis. Ios. 21. Hieron. in loc. Hebr.



# I S A C H A R.

37

men sententiæ nostræ ille, qui continuauit historiam belli sacri.

*2. cont. c. 3.  
Vitr. c. 42.*

38.

*Ios. 17.  
Ose. 1.* **V**ALLIS Iezrael, lata duobus miliaribus, quæ & planicies Galilææ. In valle hac seu planicie intermedia magni & multi habitus sunt conflictus. Hic enim pugnavit Gedeon contra Midianitas; & Saul contra Philistæos. Item Achab contra Syros; & postea Tartari ibi conflixerunt contra Saracenos. Brocard. itin. 6. & Breidenb.

39.

*Brocard.  
Breidenb.* **V**IA in Iezrahel. Hæc via tendebat & ducebat à monte Carmelo in Iezrael; per quam iuerunt Achab & Elias. 3. Reg. 18.

40.

**M**AGDIEL, paruus viculus in quinto miliario Doræ pergentibus Ptolemaidam. Hieron. in loc. Hebr.

41.

**I**SACHAR ciuitas, 3. Reg. 4. Benedictus in Indice.

42.

**M**ERRVS, aliàs Marrus, vicus in duodecimo miliario vrbs Sebaste, iuxta Dothaim. Hieron. in loc. Hebr.

43.

**M**ESRA, castrum est in pede montis Hermon. Brocard. Itin. 6. Breidenb.

44.

**V**INEA Naboth, pro qua occisus & lapidatus est à Iezabel, ostendebatur adhuc tempore Breid. & Brocard. 3. Reg. 21. 4. Reg. 9, ante introitum vrbs Iezrael. Brocard. itin. 6. & Breidenb.

45.

**N**AID, siue Naida, terra in qua Cain cum sua vxore habitauit. Hieron. in loc. Heb. Ioseph. 1. antiq. 4. nominat ciuitatem Naide, quam conderit Cain. Benedict. in indice Bibliorum.

46.

*Hieron. in Epitaph. Paula. & alibi. & in locis Hebr. Brocard. itin. 5. & Breidenb. Luc. 7.* **N**AIM, Græcè Nain, decora & pulchra ciuitas, quam torrens Cison alluit, sita est in latere Aquilonari montis Hermon minoris; in secundo miliario montis Tabor, contra meridiem, non longè ab Endor: ante cuius portam Christus filium viduæ vnicum à morte suscitauit. permanfit ciuitas vsque ad tempora Hieronymi.

47.

*Brocard. in profater sanct. & itin. 7. & ibidem Breidenb. VVil. Tyr. 10. bell. sac. 26.* **C**ASTRUM peregrinorum, quondam insula in corde maris sita, dicta Petra incisa. in qua Christiani milites munitionem postea extruxerunt, ijs muris & antemuralibus cinctam, vt inexpugnabilis videretur. Videtur alio loco ponere VVilhelmus, quantum ex eius descriptione colligere est; consentit ta-

48.

**R**ABBOTH, ciuitas. Ios. 19.

49.

**R**AMETH ciuitas. Ios. 19.

50.

**R**AMOTH, vrbs Leuitarum; habuit & suburbana. 1. Paral. 6.

51.

**R**ETHOM in tribu Isachar. Hierony, in loc. Hebr.

52.

**R**OOPA vicus Leuitarum, vsque ætatem Hieronymi perdurauit, in quarto lapide Scytopoleos, Hieron. in loc. Hebr.

53.

**S**ABA, aliàs Faba. castellum; à quo Campus Smagnus nunc dicitur campus Sabæ; non multum distant ab Aphec. Brocard. itin. 6. & ibid, Breidenb.

54.

**S**ALVMIAS, vicus in octauo lapide à Scytopoli. in campo. Hieron. in loc. Hebr.

55.

**S**EESIMA, siue Sehesima, aliàs Seseima, siue Sefenna. Hieronymo Sasima, ciuitas, terminus Isachar. Ios. 19. Hieronym. in loc. Hebr.

56.

**S**EON, aliàs Senon, ciuitas, hodieq; ostenditur villa iuxta montem Tabor. Hieron. in loc. Heb.

57.

**S**VNA, quæ & Sunam, & Sunem, eadem dicta, & Sula, ciuitas est ad latus australe montis Hermon, distant à Bethsam vndecim miliariorum itinere; vnde Sunamitis & Sulamitis. Hic castrametati sunt Philistæi contra Saul, quando Saul venit in Gelboe. Patria fuit hæc Abisag Sulamitis puellæ speciosissimæ, quæ senem ac septuagenarium regem Dauid calefecit, dormiens in sinu eius vxor & virgo. Hinc dicta est Sulamitis Cant. 6. 7. Hanc Elias frequenter transibat, iter faciens de Carmelo ad Iordanem, Galgala vel Iericho, vbi & hospitabatur apud mulierem Sunamitidem, cui à Deo filiū impetrauit, quem postea mortuum suscitauit. 4. Reg. 4. Ostenditur & vsq; hodie, ait Hieronym. vicus nomine Sulem in quinto miliario Tabor. in loc. Hebr.

58.

**T**ARICHEA, siue Taricheæ, Suetonius in Tito Tarrachiam appellat; vrbs munitioniss.



1. bel. 6.  
2. bell.  
12. 25. 26.  
27. & in  
vita sua.

nitissima, sita sub monte in littore maris Galilææ: distat à Tiberiade triginta stadiorum itinere, vel itinere vnus noctis, quantum ex Iosepho colligere est. quam Iosephus historicus, cum commissa sibi esset vtriusq; Galilææ administratio, muro cinxit validissimo; cuius ciues implebant numerum quadraginta millium. Hanc primò cepit Cassius, & tria, vel, vt alij habent, triginta, Iudæorum millia captiuorum abduxit. Erat in hac vrbe circus. vbi congregatis aduersum se inimicis, & mortem minitantibus, cum tantum non igne periisset, mirabili stratagemate populi animos sibi conciliauit Iosephus. Post à Vespasiano & Romanis, maximo labore expugnata, cum qui vrbe incolebant, etiam nauali prælio Romanis sese obiecissent, in lacu Genesar, perierunt miserabili morte. qua in vrbe cum maximam aduenarum copiam cepisset, senes cum imbelibus occidit, iuuenes partim ad Istmon Neroni transtulit, partim vendidit.

Ioseph. 3.  
bell. 16. 17.  
19.

59.

**V**Ia vallis. Per hanc sæpe faciebat iter Elisæus, erat enim planior via eunti in Iericho; vbi cum filijs Prophetarum morabatur ad Iordanem vadens de Carmelo per Sunam in Bethan, & inde per campestria Iordanis ad usq; Galgala. ideo 4. Reg. 4. dicitur, quod cum vellet ire ad Iordanem, oportebat eum transire per Sunam. Breidenb. itin. 6.

60.

**H**IC Naaman, princeps militiæ Regis Syriæ, lepra infectus. Elisæi Prophetæ mandato septem vicibus in Iordane lauit, & mundatus est; quæ, quod munus à Naaman accepisset, clam Elisæo, Giezi & semini eius adhæsit in sempiternum. 4. Reg. 5.

## ADMONITIO in typos tribus Iudæ.

**Q**UONIAM tribus Iuda multitudine pagorum, ciuitatum, &c. multum omnes alias excelluit, ne infinitis numeris & locis lectoris memoriam & iudicium obturbaremus, omisissis villis & pagis, nisi quæ insignem aliquam sui denominatione exhibebant: solas vrbes & loca insigniora exprimi fecimus. Et quoniam numeri, quos singulis locis præscripsimus, & Indici seruiunt & tabulæ: hic si continuum accipimus, Indici soli seruiunt; si interruptum, (quod quidem & alioqui nihil intererat) etiam tabulæ, neque enim descriptionem nostram tabulæ accommodauimus, sed ad lumen aliquod rerum narrationi seruerandum, nobis subscribere voluimus. Hoc volui lector ne nescius esses.

I.

## Tribus Iuda.

I.



**V**DAS quartus Iacob ex Lia vxore filius, ita semen Abrahæ multiplicauit, vt de tribu eius ad montem Sinai numerati & iuuenti sint viri ad pugnam apti septuaginta quatuor millia, & sexcenti; quibus omni-

bus, excepto Caleb, in deserto mortuis, septuaginta sex millia, quingenti, absq; mulieribus & paruulis, valida manu ingressi terram promissionis, in sortium diuisione citra Iordanem primam optimam atque amplissimam huius terræ sanctæ obtinuerunt possessionem. Ex hac tribu Dauid, Salomon, ac alij reges Iuda, ipseque Christus orti sunt. cumque tribus hæc fortissima esset, vnde & leoni comparatur, bellicosissimis viris pollens, & crebro aduersarios superans, in omnibus tribus tenuit principatum: & idcirco interdum ciuitates, quæ in alijs tribus sitæ sunt, tribus Iudæ esse scribuntur; vt Socoth, Cariathiarim, Lachis, Bethsames, Sicelec, Bersabee, &c. quin & tribus Dan & Simeon in medio Iudæ habitasse scriptura docet, & in eius funiculo nuncupantur. Porrò cum Dauid numeraret populum, inuenti sunt de Iuda quingenta millia pugnatorum. Cæterum, quia post Salomonis mortem decem tribus Israel defecerunt a Roboam ad Ieroboam Ephrataum, exinde duæ tribus, Iuda scilicet & Benjamin, quæ semini Dauidis adhæserunt, nunc domus Dauid, nunc regnum Iuda, Ierusalem, at Benjamin in scripturis, potissimum à Prophetis nuncupantur: sicuti reliquæ decem tribus, quæ à legitimo rege & religione defecerant, ad cultum vitulorum, regnum Israel; domus Iacob, & Ioseph, Ephraim, regnum Samariæ, Iezrael, Bethel, Bethauen appellantur. Et in omnibus quidem Prophetis, inquit Hieronymus, duæ tribus, quæ appellantur Iuda, Ecclesiæ Catholicæ personam possident, quæ sub stirpe Dauid regnabant: decem autem tribus referuntur ad hæreticos, quorum multitudo maxima est.

2.

**A**SAR in tribu Iuda: nunc verò vicus grandis ostenditur eo nomine pergentibus Ascalonem de Azoto. Hierony. de loc. Hebr.

3.

**ACCAIN** ciuitas Ios. 15.

4.

**C**OLLIS Achillæ; castrum natura, simul & arte munitissimū, ad dexteram deserti Ziph. in quo aliquoties latitauit Dauid, fugiens à facie Saul: in cuius rupis vertice, viginti stadijs alto, primus Ionathas Pōtifex castellum ædificauit, natura inaccessum, & appellauit Massa-

Genes. 29.  
Num. 34.  
Ios. 15.  
1. Paral. 4.  
Ezec. 47.  
Num. 1.  
& 26.  
Ios. 15.


1. Paral. 5.  
Gen. 49.  
Deut. 33.  
Hieron. in  
loc. Heb.  
lit. B.

2. Reg. 24.

3. Reg. 12.  
Hieron. in  
Osee. ca. 2.

1. Reg. 23.  
26.  
Ios. 14.  
antiq. 20.  
22. 23. 24.  
& alibi.







PARS TRIBVS RUBEN

TRIBVS IVDA

id est, pars illa Terra Sancta, quam in ingressu Tribus Iuda consecuta fuit.

Miliaria unius hora

Mare mortuum dicitur et mare salsum siue salis atq; solitudinis, et lacus Asphaltidis. 186

PENTAPOLIS. 202



PARS TRIBVS BENIAMIN.

Jerusalem

PARS TRIBVS DAN.

Daroma exterior. 93

PARS TRIBVS SIMEONIS.



